



REPUBLIKA E SHQIPËRISË
BASHKIA DIVJAKË
AGJENCIA E SHERBIMEVE KOMUNALE

Nr. 3168 Prot.

Divjakë, më 31.07.2025

Lënda: PROJEKT PËR KONSULTIM PUBLIK

“MBI DISKUTUIMIN E PLANIT LOKAL TË MENAXHIMIT TË INTEGRUAR TË MBETJEVE PËR VITIN 2025-2029”.

Në mbështetje të ligjit nr.139/2015 “Për vetëqeverisjen vendore, i ndryshuar, si dhe bazuar në Ligjin nr. 10463, datë 22/09/2011 “Për Menaxhimin e Integruar të Mbetjeve”, Ligjin nr. 10431/2011 “Për Mbrojtjen e Mjedisit”, i ndryshuar, VKM nr. 418/2020, “Për Miratimin e Dokumentit të Politikave Strategjike dhe të Planit Kombëtar për Menaxhimin e Integruar të Mbetjeve, 2020–2035”, VKM nr.319, datë 31.05.2018, “Për miratimin e masave për kostot e menaxhimit të integruar të mbetjeve”, si edhe ne zbatim të urdhërit të Kryetarit të Bashkisë Divjakë nr.245 dt.15.07.2025 “Për ngritjen e grupit të punës për hartimin e planit të menaxhimit të integruar të mbetjeve”,

Ju paraqesim për konsultim publik: “Planin Lokal të Menaxhimit të Integruar të Mbetjeve për vitin 2025-2029”

Qëllimi i Planit:

Qëllimi kryesor i këtij plani është të garantojë një menaxhim të integruar të mbetjeve, duke reduktuar sasinë e mbetjeve të papërpunuara, duke nxitur riciklimin dhe ripërdorimin, dhe duke minimizuar ndikimet negative në mjedis dhe shëndetin e komunitetit. Planin synon gjithashtu të rrisë ndërgjegjësimin dhe pjesëmarrjen e komunitetit lokal, institucioneve publike dhe sektorit privat, duke krijuar një model bashkëpunimi që mund të shërbejë si shembull për zona të tjera rurale dhe bregdetare në Shqipëri. Me zbatimin e këtij plani, Bashkia Divjakë synon të kthehet në një model të qëndrueshëm të zhvillimit lokal të bazuar në menaxhimin efikas të burimeve dhe mbrojtjen e mjedisit.

Vizioni i planit të menaxhimit të mbetjeve për Bashkinë Divjakë:

“Të ndërtojmë një Bashki të pastër , të gjelbër dhe të qëndrueshme, ku mbetjet menaxhohen në mënyrë efikase, burimet riciklohen, dhe mjedisi mbrohet për brezat e sotëm dhe të ardhshëm”.

Ky vizion mbështetet në këto parime:

- Qasja e integruar: nga burimi deri në asgjësim.
- Zhvillim i qëndrueshëm: duke mbrojtur mjedisin, tokën dhe ujin.



Pjesmarrje qytetare: për një bashkëmenaxhim të mbetjeve dhe edukim të vazhduar.

Teknologji dhe inovacion: për efikasitet më të lartë dhe transparencë.

Objektivat specifikë të Planit

Në vijim të përmbushjes të vizionit të planit si dhe synimeve të Bashkisë për përmbushjen e objektivave kombëtarë, u përcaktuan objektivat lokale për një periudhë afatshkurtër dhe afatmesme, si më poshtë:

- Rritja e efikasitetit në grumbullimin e të ardhurave sipas sistemit fiskal aktual duke arritur mbulimin e shpenzimeve nga të ardhurat e vjela nga tarifa e pastrimit.
- Rehabilitimi mjedisor dhe pyllëzimi i ish-venddepozitimeve duke shmangur cdo ndikim negativ në mjedis dhe në bujqësi. Konkretisht ish-venddepozitimi në Gur dhe Grabjan
- Minimizimi i mbetjeve nëpërmjet nxitjes dhe promovimit të kompostimit sidomos në zonat rurale me aktivitet bujqësor.
- Shtrirje më e gjerë e sistemit të diferencuar të grumbullimit të mbetjeve nëpërmjet ndarjes në burim.
- Përmirësimi i cilësisë së shërbimit nëpërmjet përmirësimit të itinerareve dhe skemave të reja.
- Ndërtimi i një stacioni transferimi të mbetjeve dhe stacioneve të kompostimit.
- Përshtatja e skemës së menaxhimit të mbetjeve urbane në zonën e plazhit duke ulur kostot të cilat janë shumë të larta dhe aplikuar tarifa të diferencuara për gjeneruesit e mbetjeve në këtë territor.
- Eficientimi i sistemit fiskal për shërbimin e menaxhimit të mbetjeve me aplikimin e tarifës progressive duke respektuar parimin “ndotësi paguan”.

Skenarët për përmbushjen e objektivave

Skenari 0- Skenari aktual i menaxhimit të mbetjeve

Skema aktuale e menaxhimit përbëhet prej rreth 513 PGM-ve ku kryesisht në zonën e qytetit janë të kapacitetit 1.1 m³, dhe në zonat rurale shërbehet kryesisht me kosha 1.1 m³ xingato, 260L plastike dhe 120L plastike. Në total përshkruhen rreth 384 km itinerare nga kamionat teknologjik në dite.

Kosto Skenari 0

Sa i përket kostifikimit të skenarit, kostoja aktuale e shërbimit të menaxhimit të mbetjeve në Bashkinë Divjakë është mesatarisht **27,541,141** lekë/vit ndërsa kostoja për ton mbetje është 4,910 lekë/ton/vit si dhe kostoja për banorë është 490 lekë/banor/vit.



Skenari 1- Përmirësimi i mbulimit dhe eficientimi i shërbimit të pastrimit të mbetjeve si dhe rehabilitimi total dhe pyllëzimi i ish-venddepozitimeve dhe ndërtimi i pikës së transferimit të mbetjeve dhe i skemave të kompostimit në Bashkinë Divjakë.

Ky skenar është skema aktuale e grumbullimit të mbetjeve duke përmirësuar atë si dhe duke parashikuar rehabilitimin total dhe pyllëzimin e ish-venddepozitimeve , ndërtimin e skemave të kompostimit dhe ndërtimin e pikës së transferimit që shërben edhe si pikë selektim diferencimi përpara se mbetjet të transportohen në incinierator dhe landfillin rajonal.

Kosto Skenari 1

Ky skenar përveç kostove të skenarit zero që është skenari aktual përfshin investimin e blerjes së rreth 111 kosha 1.1 m^3 për t'u shpërndarë në zonat me dendësi të lartë banimi, shtimin e rreth 18 km linear itinerar për pastrimin e mbetjeve, investimin në blerjen e një makine teknologjike me kapacitet 12 m^3 , investim në blerjen e trajlerit me kapacitet 45 m^3 . Gjithashtu në këtë skenar përfshihet rehabilitimi i venddepozitimeve aktuale ndërtimi i pikës së transferimit të mbetjeve që shërben edhe si pikë për diferencimin dhe selektimin e tyre si dhe investimin në skemat e kompostimit të mbetjeve. Duke llogaritur si rezultat, ky skenar ka një kosto vjetore të përlllogaritur përafërsisht në vlerën **75,384,555** lekë në vit ose rreth 63% më të lartë se kostoja aktuale që shpenzon Bashkia Divjakë.

Skenari 2- Skenari i Skemës së diferencimit të mbetjeve në burim në qytet dhe në zonën rurale.

Kjo skemë parashikon menaxhimin e integruar të mbetjeve të ngurta urbane në mënyrë graduale.

Kosto Skenari 2

Sa i përket kostove të këtij skenari ky skenar përfshin skenarin 1 si dhe koston e aplikimit të skemës pilot të diferencimit të mbetjeve në burim në qytet dhe në zonën rurale. Duke qënë se skema do aplikohet në zona pilot kostoja është në varësi të shtrirjes së zonës pilot.

Si rezultat i kësaj kostoja vjetore e këtij skenari është **85,384,555 lekë/vit**, ose 68% më i lartë se skenari 0 dhe rreth 12% më shumë se skenari 1

Skenari 3- Skenari i aplikimit të tarifës progresive.

Ky skenar është një skenar i cili nuk ka pothuajse asnjë ndryshim me skenarin 2 por i shtohet tarifimi progresiv i cili synon aplikimin e tarifave të veçata për çdo konsumator duke përfshirë të gjithë targetgrupet sociale në këtë skemë nën moton “Ndotësi Pague”.

Kosto Skenari 3

Sa i përket kostove të këtij skenari përfshihen kostot e llogarituara në skenarin 2 si dhe kostot për aplikimin e tarifës që kanë të bëjnë më ndërtimin e softëarit për menaxhimin financiar të mbetjeve apo përgatitjen e bazës materiale dhe burimeve njerzore për menaxhimin në total të shërbimit më

anë të kësaj tarife. Duke konsideruar se burimet njerëzore mund të shfrytëzohen ato që ka Bashkia Divjake në dispozicion kostoja e llogaritur vjetore ka një rritje të papërfillshme në vlerë prej **200,000 lekë** si kosto për mirëmbajtjen e softëar-it. Në total vlera e koston vjetore arrin në vlerën **85,584,555 lekë/vit**.

Grupi i punës për hartimin e planit të menaxhimit të integruar të mbetjeve

Çerçis Turhani

Xhenina Alcani

Gëzim Sinani

Zhaneta Alcani

Shkëlqim Dobra

Florjan Doga

Alketa Hila

**Juristi
Andi Bullari**



KRYETARI

JOSIF GORREA

